

Na osnovu Odluke Senata Univerziteta u Tuzli broj: 03-1757-2.3/17 od 20.03.2017. godine Univerzitet u Tuzli objavljuje:

K O N K U R S

za imenovanje četiri člana Upravnog odbora Univerziteta u Tuzli koje imenuje Senat Univerziteta i to tri člana iz reda nastavnika i jednog člana iz reda studenata Univerziteta u Tuzli

I

Za članove Upravnog odbora Univerziteta u Tuzli mogu biti imenovani kandidati koji ispunjavaju slijedeće **opće uslove**:

- a) da su državljani BiH;
- b) da su zdravstveno sposobni za obavljanje poslova člana Upravnog odbora Univerziteta;
- c) da pravosnažnom odlukom suda nisu osuđeni za krivično djelo ili privredni prijestup koji predstavlja smetnju za imenovanje na dužnost člana Upravnog odbora;
- d) da im pravosnažnom odlukom suda nije izrečena mjera zabrane obavljanja aktivnosti člana Upravnog odbora i
- e) da se na njih ne odnosi član IX.1., Ustava BiH-a.

Kandidati **iz reda nastavnika** moraju ispunjavati i slijedeće **posebne uslove**:

- a) da imaju izbor u jedno od nastavničkih zvanja na Univerzitetu u Tuzli;
- b) da su u radnom odnosu na Univerzitetu u Tuzli sa punim radnim vremenom;
- c) da nemaju funkciju u izvršnim organima političke partije ili organizacije koja je povezana sa političkom partijom i
- d) da nemaju privatni finansijski interes na Univerzitetu.

Kandidati **iz reda studenata**, pored općih uslova moraju ispunjavati i slijedeće **posebne uslove** i to:

- 1) da nemaju funkciju u izvršnim organima političke partije ili organizacije koja je povezana sa političkom partijom;
- 2) da imaju status redovnog studenta Univerziteta u Tuzli minimalno druge godine prvog ciklusa studija;
- 3) da imaju ostvareni prosjek ocjena u dosadašnjem toku studija od najmanje osam i
- 4) da imaju članstvo u skupštini studentskog predstavničkog organa.

II

Članove Upravnog odbora imenuje Senat Univerziteta u Tuzli na mandatni period od 4 (četiri) godine.

Člana Upravnog odbora iz reda studenata imenuje Senat Univerziteta na prijedlog studentskog predstavničkog organa.

III

Uz **potpisanu prijavu** na Konkurs kandidat iz reda nastavnika dužan je priložiti, **u originalu ili ovjerenoj fotokopiji**, dokaze o ispunjavanju propisanih općih i posebnih uslova i to:

1. biografiju;
2. uvjerenje o državljanstvu BiH izdato nakon 17.06.2013. godine;
3. svojeručno potpisanu izjavu da pravosnažnom odlukom suda nije osuđen za krivično djelo ili privredni prijestup koji predstavlja smetnju za imenovanje na dužnost člana Upravnog odbora;
4. svojeručno potpisanu izjavu da mu pravosnažnom odlukom suda nije izrečena mjera zabrane obavljanja aktivnosti člana Upravnog odbora;
5. svojeručno potpisanu izjavu da se na njega ne odnosi član IX.1., Ustava BiH-a;
6. odluku o izboru u zvanje nastavnika na Univerzitetu u Tuzli;
7. uvjerenje da je u radnom odnosu na Univerzitetu u Tuzli sa punim radnim vremenom, izdato od strane Univerziteta u Tuzli,
8. svojeručno potpisanu izjavu da nema funkciju u izvršnim organima političke partije ili organizacije povezane sa političkom partijom i
9. svojeručno potpisanu izjavu da nema privatni finansijski interes na Univerzitetu u Tuzli.

IV

Uz **potpisanu prijavu** na Konkurs kandidat iz reda studenata dužan je priložiti, **u originalu ili ovjerenoj fotokopiji**, sljedeće dokaze:

1. sve dokaze iz tačke III podtački 1., 2., 3., 4., 5. i 8. ove Odluke;
2. uvjerenje da ima status redovnog studenta Univerziteta u Tuzli, minimalno druge godine prvog ciklusa studija;
3. uvjerenje da ima prosjek ocjena u dosadašnjem toku studija od najmanje osam (za odslušane godine studija);

4. uvjerenje/potvrdu da je član skupštine studentskog predstavničkog organa.

Izjave iz tačke III podtački 3., 4., 5., 8. i 9. ove Odluke moraju biti ovjerene kod nadležnog općinskog organa ili notara, a dokazi iz tačke III podtački 2., 6. i 7. i tačke IV podtački 2., 3. i 4. moraju biti u originalu ili u fotokopiji ovjerenoj kod nadležnog općinskog organa ili notara.

Dokaz iz tačke b) općih uslova - ljebarsko uvjerenje o zdravstvenoj sposobnosti za obavljanje poslova člana Upravnog odbora, ne starije od 6 (šest) mjeseci, dostavlja se naknadno i to samo kandidati koji budu izabrani na navedenu poziciju, a najkasnije do dana konstituirajuće sjednice Upravnog odbora.

V

Prijave, sa potrebnim dokazima, dostavljaju se u roku od 15 (petnaest) dana od dana objavljivanja ovog Konkursa u dnevnom listu.

VI

Nepotpune i neblagovremene prijave neće se uzeti u razmatranje.

VII

Prijave na Konkurs, sa potrebnim dokazima, dostavljaju se u **zatvorenoj koverti** na pisarnicu Univerziteta ili putem pošte, na adresu:

UNIVERZITET U TUZLI

- Konkursna komisija -

uz naznaku:

"Prijava na Konkurs za imenovanje četiri člana Upravnog odbora Univerziteta u Tuzli koje imenuje Senat Univerziteta i to tri člana iz reda nastavnika i jednog člana iz reda studenata Univerziteta u Tuzli"

Ul. Dr. Tihomila Markovića broj 1

75000 TUZLA